

Atuisartunik isumaqatigiissuteqartarnerit ilaat pillugit Kalaallit Nunaannut aaqqiissutitut inatsisip atuutsinneqalernissaanut Namminersorlutik Oqartussat oqaaseqaataat pillugit Inatsisartut aalajangiiffigisassaattut siunnersuut.

Akissuteqaat

(Inuussutissarsiornermut Aatsitassarsiornermullu Naalakkersuisoq)

Aappassaaneerinnineq

Atuisartunik isumaqatigiissuteqartarnerit ilaat pillugit Kalaallit Nunaannut aaqqiissutitut inatsisip atuutsinneqalernissaanut Namminersorlutik Oqartussat oqaaseqaataat pillugit Inatsisartut aalajangiiffigisassaattut siunnersuummik Inuussutissarsiornermut Ataatsimiititaliap akuersaartumik suliarinnissimanera Naalakkersuisut qujassutigaat.

Naalakkersuisut Ataatsimiititaliaq isumaqatigaa oqarmat siunnersuutip kinguneranik atuisartut illersorneqarnerannik nutarterineq pingaartuusoq pisariaqarlunilu, Kalaallit Nunaanni atuisartut nunani nutaaliaasuni allani atuisartut assigalugit kiffartuussinernik nioqqutissanilluunniit pisinermi interneti annertusiartortumik atortarmassuk.

Naalakkersuisuttaaq nuannaarutigalugu paasivaat ataatsimiititaliap isumaqatigiissup siunnersuutip akuerineqarnissaa inassutigimmagu.

Taamatut oqaaseqarlunga atuisartunik isumaqatigiissuteqartarnerit ilaat pillugit Kalaallit Nunaannut aaqqiissutitut inatsisip atuutsinneqalernissaanut Namminersorlutik Oqartussat oqaaseqaataat pillugit Inatsisartut aalajangiiffigisassaattut siunnersuutip akuerineqarnissaa Naalakkersuisut sinnerlugit inassutigaara.